

8/22/08/07/18.T5

## UMT ANJUR 'SURVIVAL LAUT'

**KUALA TERENGGANU** – Para Pelajar Universiti Malaysia Terengganu (UMT) bagi setiap sesi pengambilan kini diwajibkan untuk mengikuti program 'Survival Laut'.

Program yang lebih berbentuk orientasi itu merupakan salah satu aktiviti kokurikulum universiti itu dan diadakan di Stesen Penyelidikan UMT yang terletak di Pulau Bidong, Besut.

Menurut Pengurus Pulau tersebut, Prof. Madya Dr. Sayed Mohd Zain S. Hassan, program tersebut bertujuan mendedahkan para pelajar dengan laut serta ekosistemnya dan sekali gus memberi keyakinan kepada pelajar yang mempunyai masalah seperti mabuk laut dan sebagainya.

"Sepanjang program tersebut, para pelajar juga akan diberi pendedahan dengan aktiviti berenang, snorkeeling, berkayak dan lain-lain lagi yang berkaitan laut," katanya ketika ditemui Sinar Harian, baru-baru ini.

Katanya, selain menambah pengetahuan mengenai laut, program ini juga mampu memberi kemahiran asas kepada pelajar tentang aktiviti-aktiviti tersebut terutamanya mereka yang belum pernah melakukannya sebelum ini.